



Reykjavík, 5. júní 2020

Efni: Umsögn biskups Íslands um drög að reglugerð um tímabundna endurgreiðslu virðisaukaskatts af vinnu manna. Mál í Samráðsgátt stjórnvalda nr. 105/2020

Biskup Íslands, f.h. þjóðkirkjunnar og safnaða hennar fagnar fram komnum drögum að reglugerð um tímabundna endurgreiðslu virðisaukaskatts af vinnu manna, sem kynnt er í Samráðsgátt stjórnvalda.

Í g og h liðum 1. málsg. 1. gr. reglugerðardraganna segir að „mannúðar- og líknarfélög“, auk annara félaga sem þar eru talin upp og sem teljast starfa til almannaheilla, skuli eiga rétt á endurgreiðslu virðisaukaskatts vegna þeirrar tilteknu vinnu og þjónustu sem í tilvitnuðum ákvæðum greinir.

Söfnuðir þjóðkirkjunnar, sem hver um sig er skilgreindur sem félag, þ.e. „sjálfstæð fjárhagsleg og félagsleg eining“ samkvæmt þjóðkirkjulögum nr. 78/1997, teljast sannarlega „mannúðar- og líknarfélög“. Kirkjan nefnir þjónustu sína á þessu sviði „kærleiksþjónustu“ og er hún kjarninn í starfi kirkjunnar, safnaða hennar, vígðra þjóna, annars starfsfólks og stofnana á borð við Hjálparstarf kirkjunnar. Einnig skal nefnd starfsemi Fjölskylduþjónustu kirkjunnar. Vegna skilgreiningar á mannúðar- og líknarfélögum í 2. gr. draganna að reglugerðinni skal tekið fram, í viðbót við það sem áður sagði um kjarnann í starfsemi þjóðkirkjunnar, að söfnuðir þjóðkirkjunnar tilheyra hvorki opinberum rekstri né einkarekstri og söfnuðir hafa vitaskuld ekki hagnað að meginmarkmiði. Starf safnaða þjóðkirkjunnar um allt land er að miklu leyti borið uppi í sjálfbóðaliðavinnu. Skal í þessu sambandi minnt á ákvæði 1. mgr. 62. gr. stjórnarskrár Lýðveldisins Íslands nr. 33/1944 þar sem segir að hin evangelíska lúterska kirkja skuli vera þjóðkirkja á Íslandi, og skuli ríkisvaldið að því leyti styðja hana og vernda.

Það er skilningur biskups Íslands að réttur safnaðanna verði til staðar til að óska endurgreiðslu, verði reglugerðin gefin út með þessu orðalagi sem í tilvitnuðum ákvæðum greinir.

Eigi að síður telur biskup rétt og horfa til skýringarauka, að auka við tilvitnuð ákvæði þannig að söfnuðir þjóðkirkjunnar sé nefndir í reglugerðinni.

Biskup Íslands gerir þá tillögu að orðalagi tilvitnaðra ákvæða verði breytt þannig að þar segi „mannúðar- og líknarfélög, **þ.m.t.söfnuðir þjóðkirkjunnar**, íþróttafélög...“

Virðingarfyllst, f.h. biskups Íslands

Guðmundur Þór Guðmundsson
Skrifstofustjóri Biskupsstofu